

Kapiya Sën Paulus Kevu Vu Pilemon

¹ Sa Paulus, sa nado karabus rak sën sa nanër Kerisi Yesu yi gagek ranğah. Alu hil arid Timoti kevu kapiya sënë yök vu hong Pilemon sën alu ahëmin neving hong balöö nehevong Anutu yi huk lok ti lo.

² Alu kevu kapiya sënë vu melu he avëhnömin Apiya, gevu Arkipus sën tu Anutu yi mehö-begö-yi ving hil lo. Log alu kevu vu Yesu-yi-alam sën yam denesupin sir lok hong beggang lo pin ving.

³ Hil Amad Anutu luho Mehöböp Yesu Kerisi degevong hir semusemu nyëmasën nöç vu ham beham ayomin gëp revuh.

Pilemon Ahë Neving Mehöböp

⁴ Sa kwag nevo hong mesa najom rak in hong vu sa Anutu yoh vu buk pin nebë sahëg nivesa vu yi in hong.

⁵ In sa nehango galam denenër bë ahëm neving Mehöböp Yesu, bayom neya timu vu yi rot, log ahëm neving Anutu-yi-alam pin ving.

⁶ Log sa najom rak bë hil medo jevuh ti, in hil nehevong ving ggëp ti. Lob sënë rëç gevong beğejak ngaa nivesa vesa pin sën tu hil ngaa in Kerisi-yi-alam hil lo ni.

⁷ Arig-e, yönon! Ahëm neving Anutu-yi-alam megenelok vu sir lob ayoj sepëp rak. Gesaga vo niwëek vu sa ving besa kwag vesa rot.

Pilemon Geço Onesimus Nom Nabë Ari

⁸ Log sa bë ketag ngaa ti vu hong. Kerisi yi mehö sa, om seyoh vu bë nanër los niwëek vu hong nabë gwevong nabë sënë.

⁹ Rëk mu su rëk nabë saga rë, gaḵ sëḵ nahub ketag vu hong in alu ahëd neving hil. Yönon, sa Paulus sën sa neketag vu hong lo! Sa atov raḵ, gesa nado loḵ ḵarabus raḵ sën sa nanër Yesu Kerisi yi gageḵ rangah lo.

¹⁰ Sa ketag vu hong nabë: Gwelë sa nalug Onesimus nivesa. In sën sa nado ḵarabus lo, lob sehërin yi yom vu Kerisi benebë sën tu sa nalug.

¹¹ Wirekeḵ su nevong huk nivesa meneloḵ vu hong rë, gaḵ gwëbeng sënë og rëḵ gevong huk nivesa bedoḵ vu hong gesa geving.

¹² Lob sa nehevong yi yök vu hong ggök yahin, rëḵ mu sagi vong bë sa vepul sa navig len ti vër behevong yök vu hong.

¹³ Yönon, sa nado loḵ ḵarabus raḵ sën sa nanër Bengö Nivesa rangah, lob sa nehevongin bë gulin yi bemedo geving sa in doḵ nah böm bemedo gëgin sa nivesa.

¹⁴ Rëḵ ma gesa su rëḵ gevong jëggin rë, in su genedo in bë gengogekin rë. Gaḵ mëm nabë ngo gemedo bekwam bo nabë gwevong nivesa vu sa, og mëm.

¹⁵ Onesimus tah yi vër in hong dus teka, om maḵ ngaa saga verup in bë mëm rëḵ gweḵo yi nah gökin bemedo degwata geving hong.

¹⁶ Om gweḵo yi nöḵ vu hong, rëḵ mu su gwelë yi nabë hur sën tu ngaa meris mu. Gaḵ sagraḵ maya gegwëbeng og tu arim ti, om ahëm geving yi. Yönon, sahëg ving yi rot, rëḵ mu mëm maḵ ahëm geving yi kesuu sa, in ngo hong hur rëḵ mëm tu arim ving.

17 Genelë sa nebë alu nehebë loḵ ti in Yesu yi huk, om gwelë Onesimus nabë sa, megweḵo yi nök vu hong.

18 Lob nabë vong ngaa ti paya vu hong, ma su vo loḵ hong ngaa ti wirek rë, og ggovek, getum gwebë sarëḡ dok nah in sebo dok.

19 Sengo ḵevu gageḵ sënë raḵ nemaḡ niröp bë, sa Paulus sengo rëḵ bo dok nah ngaa sënë nyëvewen vu hong. (Log sa su rëḵ nanër vu hong nabë sa nyëvewen ti neggëp vu hong in sën sa haḵo hong yom vu Anutu wirek lo rë.)

20 Arig-e! Mehöböḵ yi mehö hong, om sa bë gw-evong ngaa nivesa vu sa. Nabë gwëḵo Onesimus nök vu hong los ahëm nivesa vu yi, og saga rëḵ gevong besa kwag vesa jaḵ gesa gevong Kerisi yi huk los ayog sepëp.

21 Log serax ni besa kwag nevo bë rëḵ gwevong noh vu gageḵ sën sa ḵevu agi. Yönon, serax ni ggovek ya bë rëḵ gwevong pangsën rot mekesuu ngaa sën senër vu hong gwëbeng agi.

22 Log sa gageḵ ngwë nahën nebë: Gwero sa nyëḡ ayo ti begëp borot, in sa kwag nevo bë Anutu rëḵ gengo ham jomraksën, lob rëḵ bo sa vër besenök vu ham.

Gageḵ Ahë-nivesa-yi

23 Log Epapras sënë nedo ḵarabus ving sa raḵ sën nenër Kerisi Yesu yi gageḵ rangah lo. Kwa nevo hong ving benër bë ahë nivesa in hong.

24 Log sir sën he nehevong Anutu yi huk loḵ ti lo, Markus, gAristarkus, geDemas, geLukas lo, kwaj nevo hong ving bedenënër.

²⁵ Hil Mehöböp Yesu Kerisi yi semusemu medo geving ham pin anomin.

Gagek Mewis
The New Testament in the Central/Mapos dialect of the
Buang language of Papua New Guinea
Nupela Testamen long tokples Buang Mapos long
Niugini

Copyright © 2003 The Bible Society of Papua New Guinea

Language: Buang, Central/Mapos (Buang)

Dialect: Central/Mapos

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-02

PDF generated using Haiola and XeLaTeX on 18 Apr 2025 from source files dated 31 Aug 2023

18a972db-abcc-5dc3-9031-f1d4455b33c3